



Isalathiso: 20210804-4811
Inombolo yefayili: 13/7/1/2
Imibuzo: M Combrink

INGcaciso eMfutshane yeCandelo loLawulo loVavanyo: 0012/2021

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili zemfundo), kumaSekela Balawuli, kwiiNgcali zeMfundo eziziNtloko, kwiiNtloko zoKunika iNkxaso kwiKharityhulam, kwiiNtloko zoLawulo noKuphathwa kwaMaziko, kuBaphathi beeSekethe, kumaSekela eeNgcali zeMfundo eziziNtloko, kuBaququzeleli boVavanyo neeMviwo, kuBacebisi beZifundo nakwiiNtloko zamaziko emfundo alungiselela abaviwa iimviwo zeSatifikethi seMatriki sikaZwelonke

Isihloko: Isikhokelo solawulo esimalunga noMsebenzi woVavanyo lwePraktikhali ye-Tourism (Tourism Practical Assessment Task) olungiselelwe iimviwo zeSatifikethi seMatriki sikaZwelonke ngo-2021

1. Intshayelelo

IMisebenzi yoVavanyo lwePraktikhali (*Practical Assessment Tasks (PATs)*) yenziwe kwizifundo ezinekhomponenti yepraktikhali. Ezi PATs ziyinxalenye yeemfundo ezimiselayo zovavanyo kwiimviwo zeSatifikethi seMatriki sikaZwelonke ngo-2021 njengoko kuchaziwe kwi-*Curriculum and Assessment Policy Statement (CAPS)*.

2. I-PAT yeTourism yango-2021

2.1 Itshintshile ifomathi ye-PAT ye-Tourism yango-2021 ngokunqinelana ne-*Abridged Section 4 Grade 12 CAPS ze-CAPS yeBakala 12 (Abridged Section 4 Grade 12 CAPS Amendments)* (Januwari 2021). IZikhokelo zooTitshala ezenzelwe i-PAT ye-Tourism zenziwe zafumaneka ezikolweni ekuqaleni kwalo nyaka.

2.2 Ootitshala baya kuba yinxalenye yeseshoni yeengxoxo nengcaciso eziququzelelwe liSebe leMfundo leNtshona Koloni ezingolawulo lwe-PATs nokuba abaviwa bazilungiselelwe njani na iiseshoni zokubhala.

2.3 Iinqununu neentloko zezifundo ezinoxanduva lwesifundo se-Tourism maziqinisekise ukuba ootitshala be-Tourism basebenzisa *iZikhokelo sikaTitshala (Teacher Guidelines) (Mediation and Information)* ukubalungiselela abaviwa ngokwaneleyo abenza i-PAT ye-Tourism ngo-2021.

3. **Ulawulo lwe-PAT yeTourism**

3.1 I-PAT ye-Tourism iya kufika ezikolweni kwiveki yowe 10-12 ka-Agasti 2021 yaye kufuneka ngoko nangoko igcinwe kwisefu yesikolo kude kube ngowe-16 Agasti 2021.

3.2 Ngokuxhomekeke ekubeni zeziphi na iintsuku ezimbini isikolo esiya kwenza ngazo i-PAT ye-Tourism, isingxobo esiqulethe i-PAT yosuku 1 nepekhi yezibonelelo zingavulwa kuphela ngosuku lokuqala yaye i-PAT yosuku 2 kufuneka emva kwangoko ivulwe ngosuku olusemva kosuku lokuqala.

3.3 I-PAT iya kwenziwa ukususela ngowe-16-27 Agasti 2021 ngeeyure zesikolo phantsi kweemeko **ezilawulwayo (controlled conditions)**. limeko ezilawulwayo zithetha ukuba i-PAT mayibhalelwe esikolweni, ngamaxesha amisiweyo naphantsi kweliso elibukhali lomgadi wabaviwa onyulwe yinqununu. Utitshala/ootitshala be-Tourism abanako ukusebenza njengabagadi babaviwa.

3.4 Ii-PATs yosuku 1 ziya kukhutshwa namaphepha efoliyo yaye i-PATs zosuku 2 ziya kukhutshwa kunye neencwadi zeempendulo ezindala ze-*Adult Education and Training Level (AET L4)* ezenzelwe abafundi ukuze babhale i-PAT. Incwadi yeempendulo i-AET L4 inekhava epinki ngaphandle (*pink cover*). Phambi kokuba abafundi baqale ukubhala i-PAT yosuku 2, ikhava yencwadi yeempendulo epinki mayisuswe kwincwadi yeempendulo ye-AET L4 yaye incwadi yeempendulo kufuneka isetyenziswe njengamaphepha efoliyo.

3.5 Ixesha elabelwe i-PAT ziyure ezisibhozo, elahlulwe laziiseshoni ezimbini zeeyure ezine. Iiseshoni ezimbini zeeyure ezine mazimiselwe iintsuku **ezimbini ezilandelelanayo**. Ixesha lokuphumla phakathi kweeseshoni lakucwangciswa ngalo ndlela sibona ngayo isikolo.

3.6 Abaviwa mabaye esikolweni ngazo zombini iintsuku ezimiselwe i-PAT ye-Tourism.

3.7 Abaviwa abangayanga kwiseshoni yokubhalwa kwe-PAT (benesizathu okanye bengenazathu sivakalayo), kuya kujongwana nabo ngokwe-*Regulations on the Conduct, Administration and Management of the National Senior Certificate examinations*, epapashwe kwiGazethi kaRhulumente No. 37651 yowe-16 Meyi 2014

4. **Ukubhalwa kwe-PAT**

- 4.1 I-PAT iqulethe amacandelo amabini, **usuku lokuqala nosuku lwesibini**, yaye iquka ipekhi yezibonelelo (*resource pack*). Ipekhi yezibonelelo iya kukhutshwa kuphela ngexesha leeseshoni zokubhala ezahlukahlukeneyo.
 - 4.2 Umviwa ngamnye makafumane ikopi yakhe ye-PAT nepekhi yezibonelelo . Abaviwa baya kufumana i-PAT eyenzelwe usuku lokuqala ngosuku lokuqala ne-PAT eyenzelwe usuku lwesibini ngosuku lwesibini lweeseshoni zokubhala.
 - 4.3 Le pekhi yezibonelelo inye iya kusetyenziswa kuzo zombini iintsuku zeeseshoni zokubhala. I-PAT egqityiweyo yosuku ngalunye nepekhi yezibonelelo mazithathwe ekupheleni kweseshoni yokubhala nganye.
 - 4.4 Xa kufunyanwa ipekhi ye-PAT elungiselelwe usuku, abaviwa mabaqinisekise ukuba onke amaphepha afakiwe. Abaviwa kufuneka bachithe imizuzu elishumi befunda imiyalelo yaye baziqhelanise nekhontenti yawo omabini amaxwebhu.
 - 4.5 Zizibonelelo nezihlomelo kuphela ezibonelelwe kwipekhi yezibonelelo ezisemthethweni emazisetyenziswe. Abaviwa **abayi** kuvunyelwa ukuba bangene nazo naziphi na izibonelelo kwindawo yokubhalela uviwo. Akukho zixhobo zizi-*electronic equipment* (iikhompyutha, *iilephutophu*, iiselula, ezokufikelela ku-intanethi) ekuvumelekileyo ukuba zisetyenziselwe ukubhala i-PAT.
 - 4.6 I-PAT yosuku ngalunye mayigqitywe ngosuku olumisiweyo. Akusayi kunikwa xesha longezelelweyo, ngaphandle kwemeko apho kunikwe imvume yokuxolelwa kubaviwa abaneemfuno ezizodwa.
 - 4.7 Zonke ii-PATs mazibhalwe ngesandla, ngaphandle kwabafundi abenze isicelo semvume yokuxolelwa.
 - 4.8 Ukubolekisana ngezinto zokubhala akusayi kuvumeleka kwindawo yokubhalela uviwo.
 - 4.9 Utitshala we-*Tourism* kufuneka abekhona esikolweni ngeentsuku ekubhalwa ngazo i-PAT ukuze anike ingcaciso neengcebiso, apho kukho imfuneko. Kufuneka kubekho umgadi wabaviwa omnye olungiselelwe i-30 yabaviwa nganye.
5. Kucelwa iinqununu namagosa ezithili ukuba bazise okuqulethwe yile ngcaciso imfutshane kubasebenzi, kubazali nakubafundi ukuze bakuthathele ingqalelo.

ISAYINWE: NGU-H MAHOMED

USEKELA MLAWULI-JIKELELE OBAMBELEYO WOLAWULO LWEKHARITYHULAM NOVAVANYO

UMHLA: 2021-08-10